

Script of Evening Gojri News Bulletin 29 March 2026 at 1700Hrs

ایوننگ گو جری نیوز بلیٹن مورخہ 29 مارچ 2026

یوہ آکاشوانی جموں بے عبدالرحمان شاہین تے محمد اشفاق تیں خبر
سَنو پہلاں خاص خاص خبر۔

Headlines

*1۔ وزیر اعظم نریندر مودی نے کہیو بے جے مغربی ایشیا غی صورتحال
غے پیش نظر توانائی نانہ لے غے بھارت واسطے مشکل وقت بے، اُنہاں
نے خود اعتما دی سنگ کہیو بے جے ہم اک جٹ ہو غے اس بحران توں
جلد باہر آواں گا۔

*2۔ وزیر اعظم نریندر مودی نے اپنا من کی بات پروگرام مانہ جموں
کشمیر کرکٹ ٹیم نانہ رانجی ٹرافی جتن ور مبارکباد دیتاں واں سراہیو بے

*3۔ لیفٹنٹ گورنر منوج سنہا نے اج جموں مانہ اک بین القوامی میراتھن
یعنی چہل قدمی مقابلہ غی اختتامی تقریب مانہ شرکت کی۔

*4۔ وزیر اعلیٰ عمر عبداللہ نے اج جموں میراتھن مانہ از خود شرکاء سنگ
چہل قدمی کر غے اس مقابلہ غی اہمیت نانہ اُجاگر کیو۔

*5۔ تے ناٹب وزیر اعلیٰ سریندر کمار چودھری نے اج کہیو بے جے جموں
کشمیر حکومت ضرورت مند علاقاں مانہ نواں ضلع بنان واسطے تیار بے۔

خبراں غی تفصیل نال پہلاں عبدالرحمان شاہین۔

PM MKB

وزیر اعظم نریندر مودی نے اج کہیو بے جے مغربی ایشیا غی صورتحال نے
مشکل حالات پیدا کر دتا ہیں، کیونجے یوہ خطو بھارت غی توانائی غی
ضروریاں واسطے اک اہم مرکز بے۔ آکاشوانی ور اپنا پروگرام من کی بات

مانہہ قوم سنگ خطاب کرتاں واں وزیر اعظم نریندرمو دی نے اعتما د ظاہر
 کیو جے ملک اس آزمائشی وقت ور اس طرح قابو پالے گو ، جس طرح اس
 نے کوید 19 و باء غے دوران پایوتھو۔ اس با رے بولتاں واں انہاں نے مزید
 اس طرح کہیو۔ با ٹ۔۔۔ وزیر اعظم نریندرمو دی نے خلیجی ملکاں غو
 شکریو ادا کیو جے انہاں نے اس دوران 1 کروڑ تیں زیا دہ بھارتی تارکین
 وطن نانہہ بر طرح غی مدد فراہم کی۔ جناب مو دی نے اس معاملہ نانہہ
 سیا سی رنگ دین تیں خبردار کیو تے کہیو جے افواہ قومی مفادات نانہہ
 نقصان پہنچا سکیں۔ انہاں نے لوکاں تیں اپیل کی ہے جے وے افواہاں تیں
 گمراہ نہ ویں، تے حکومت غی فراہم کردہ معلومات ور اعتما د کریں۔ وزیر
 اعظم نریندرمو دی نے مزید اس طرح کہیو۔ با ٹ۔۔۔ وزیر اعظم نریندرمو دی
 نے جموں کشمیر غی کرکٹ ٹیم نانہہ پہلی بار رانجی ٹرافی جتن ور
 سراہیو۔ اپنا ماہوار ریڈیو پروگرام من کی بات مانہہ خطاب کرتاں واں جناب
 مودی نے کہیو جے بھارت غی حالیہ کھیڈاں غی کامیابیاں جن مانہہ ٹی
 ٹوانٹی عالمی کپ غی جت تے جموں کشمیر غی پہلی رانجی ٹرافی
 فتح شامل ہیں۔ اس با رے بولتاں واں انہاں نے اس طرح کہیو۔ با ٹ۔۔۔ وزیر
 اعظم نریندرمو دی نے اپنا ماہوار پروگرام مانہہ گیان بھارت سرورے نانہہ
 اُجاگر کیو، جس غو مقصد عوامی شرکت غے ذریعے بھارت غا بھرپور
 ثقافتی ورثہ نانہہ دستاویزی شکل دینو ہے۔ اس قدم غو مقصد ملک پھر
 مانہہ قلمی نسخاں غا بارہ مانہہ معلومات جمع کرنو ہے۔ یوہ سرورے جون
 غا وسط تک جا ری رہ گو۔ وزیر اعظم نریندرمو دی نے سب تیں اپیل کی
 جے وے سرورے غے ذریعے اپنی ثقافت گا پہلوواں نانہہ سانجھاں کریں۔
 انہاں نے اس طرح کہیو۔ با ٹ۔۔۔ وزیر اعظم نے قوم غی تعمیر مانہہ
 نوجواناں نانہہ شامل کرن مانہہ ایم وائی بھارت غا کردار نانہہ سراہیو تے
 بجٹ مہم جو ٹی اور مضمون نویسی مقابلان جیسی سرگرمیاں مانہہ بڑی
 شرکت غو حوالو دتو۔ انہاں نے ترقی ، کساناں غی بھلائی بہتری تے
 خواتین غی قیادت مانہہ ترقی غا حوالہ سنگ نوجواناں غا خیالات نانہہ
 وی سراہیو۔ وزیر اعظم نے اس طرح کہیو۔ وزیر اعظم نریندرمو دی نے
 پانی غا تحفظ ور وی بات کی۔ انہاں نے کہیو جے ملک غا کئی حصاں
 مانہہ گرمیاں غا آغاز غے سنگ ہی پانی غا تحفظ غا عزم نانہہ از سر نو

مضبوط کرن غو وقت آگيو ٻے ۔ اِس با رے بولتاں واں وزير اعظم نے اِس طرح
کھيو۔ بائٺ۔۔

LG Jammu Marathon

ليفٺنٺ گورنر منوج سنڀا نے اڄ جموں ميراتهن غي اختتامی تقريب مانهہ
شرکت کی، جت انہاں نے اِس دوڑ مقابلہ مانهہ جتن آلاں نانہہ انعامات وی
تقسيم کیا، اِس موقع ور کھیڏاں با رے وزير ستپش شرما، چيف سيڪريٽري
اتل ڏلو، ڏويزنل ڪمشنر جموں راميش ڪمار تے اُن غے نال ڪئی ديگر
عهديدار وی اُت موجودتھا ۔ ميڏيا سنگ گل ڪرتاں واں ايل جي موصوف نے
کھيو جے ياه تقريب اِڪ شاندار ڪامياب تقريب ٻے ۔ جت ڪئی با رله مُلڪاں غا
کھلاڙياں نے وی حصوليو، جس سنگ ياه اِڪ بين القوامی تقريب غا طور
ور ثابت بوئی ٻے ۔ ايل جي موصوف نے مزيد کھيو جے ايسی تقريباں
سنگ خطہ مانهہ کھیڏ ڪود غا فروغ غے نال نال تندرستی تے سياحت مانهہ
وی بابدو وے۔ اِس با رے بولتاں واں ايل جي موصوف نے اِس طرح کھيو۔ با
ٺ۔۔

Jammu Marathon

اڄ سوڀر جموں مانهہ پهلی بين القوامی جمونميراتهن غو آغاز بوئو جت متا
سارا پُر جوش افراد نے شرکت کی۔ اس موقع ور وزير اعليٰ عمر عبدالله نے
اِس ميراتهن نانہہ بری جھنڏی دس غے روانہ ڪيو، يا دره جے اِس دوڑ
مقابلہ غو آغاز اڄ سوڀر ايم اے سٽيڊيم تون ڪيو گيو، جھيڙو ڪے 3 ڙمران ور
مشمتمل تھو، جس مانهہ با لف ميراتهن 21 ڪلو ميٽر ور مشتمل ٻے ۔ 10 ڪلو
ميٽر غي دوڑ تندرستی غے ناں سنگ منسوب تے اخير مانهہ 5 ڪلو ميٽر
دوڑ مقابلو مزاحيه دوڑ مقابلہ غا ناں سنگ ڪرايو گيو۔ اِس دوران ڪُل انعام غي
رقم 1 ڪروڙ 33 لڪھ مختص کی گئی تھی، جھيڙی جتن آلا افراد مانهہ
تقسيم کی گئی۔ اپنا تجربات سانجھا ڪرتاں واں اِس مقابلہ غا منتخب سفير
اداڪار ملند سومن نے اس طرح کھيو۔ اِس سلسلہ مانهہ مزيد بولتاں واں

جموں مانہہ عوامی تعلقات با رے افسر لیفٹنٹ کرنل سنیل برتوال نے اس طرح کہیو۔ بائٹ۔۔

Dy CM New Districts

نائب وزیر اعلیٰ سریندر چودھری نے آج کہیو ہے جے حکومت مستحق علاقوں مانہہ نواں ضلعوں غا قیام واسطے تیار ہے تے بکھ بکھ خطاں تیں آن آلا طویل عرصہ تیں زیر التواع مطالبات غو خیرمقدم کریں۔ ذرائع ابلاغ سنگ گل کرتاں واں انہاں نے کہیو جے اگر کوئی علاقہ درجہ حاصل کرن غا معیار وں پورو اُترے، تاں اُس نانہہ یوہ درجہ دتو جانو چاہیے۔ انہاں نے مزید کہیو جے وے ذاتی طور وں نو شہراہ غا مطالبہ غی حمایت کریں۔ جھیڑو کا فی عرصہ تیں زیر التواع ہے۔ ڈیلی ویجز یعنی یومیہ اجرت غا مسئلہ وں نائب وزیر اعلیٰ نے کہیو جے حکومت اپنا واعداء نانہہ پوراں کرن واسطے پرعزم ہے۔ انہاں نے اس گل غو اعداد و کیو جے انتظامی اصلاحات تے ملازماں غی بھلائی بہتری حکومت غی ترجیحات مانہہ شامل ہیں۔ اس موقع وں بولتاں واں نائب وزیر اعلیٰ نے مزید اس طرح کہیو۔ بائٹ۔۔

اس غے نال ہی خبراں غو یوہ بلیٹن ختم ہوؤ۔